

醫
書
季
三
字
經



光緒三十四年春月
寶慶經元書局校刊



南京中医药大学图书馆版权所有

醫學三字經小引

童子入學塾師先授以三字經欲其便誦也識
學醫之始未定先授何書如大海茫茫錯認半字家
經便入牛鬼蛇神之域余所以有三字經之刻也前
曾託名葉天士取時俗所推崇者以投時好然書中
之奧旨悉本聖經經明而專家之伎可廢謝退谷於
注韓書室得繕本惠書千餘言屬歸本名幸有同志
今付梓而從其說而仍名經而不以爲僭者採集經



三
文還之先聖海內諸君子可因此一字而共知所遵
且可因此一字而不病余之作嘉慶九年歲次甲子
人曰陳念祖自題於南雅堂



醫學三字經目錄

卷之一

源流

中風

虛癆

咳嗽

瘧疾

痢疾

心痛

腹痛

胸痺

隔食

反胃

氣喘

血症

水腫

脹滿

卷之二

蠱脹

暑症

泄瀉

眩暈

嘔吐

噦呃
癰

狂

癰

五淋

癰閉

濁病

遺精

疝氣

痰飲

消渴

傷寒

瘟疫

婦人

小兒



卷之三

藥方

卷之四

藥方

附錄

○陰陽

識一字便可爲醫說

○臟腑

十二宮

心說

肝說

脾說

肺說

腎說

胃說

膽說

大腸小腸說

三焦說

膀胱說

命門說

○經絡

○四診

望色

聞聲

問證

切脈

○運氣

張飛疇運氣不足憑說

目錄全集終



南京中医药大学图书馆版权所有

醫學三字經卷之一

閩吳航陳念祖脩園著

男元豹道彪古愚同校元犀道照靈石

醫學源流第一

醫之始

本岐黃

黃黃帝也岐岐伯也君臣問答以經絡臟腑運氣治療之原所以

為醫之祖雖神農本經在黃帝之前而神明用藥之理仍始於內經也

靈樞作

素問詳

靈樞九卷素問九卷通謂之內經漢書藝文志載黃帝內經十八篇

是也醫門此書即業儒之五經也



開業中醫大學圖書館版權所有

難經出

更洋洋

洋洋盛大也難經八十一章多闕發內經之旨以補內經所未言

間有與內經不合者其時去古未遠別有考據也○秦越人號扁鵲戰國人著難經

越漢季

有南陽

張機字仲景居南陽官長沙漢人也著傷寒雜病論金匱玉函經

六經辨

聖道彰

內經詳於鍼灸至伊尹有湯液治病之法扁鵲倉公因之仲師出而

雜病傷寒端以方藥為治其方俱原本於神農黃帝相傳之經方而集其大成

傷寒著

金匱藏

王肯堂謂傷寒論義理如神龍出沒首尾相顧鱗甲森然○金匱王

函示寶貴秘藏之意也其方非南陽所自造也上古聖人所傳之方所謂經方是也其藥悉本於神農本經非此方不能治此病非此藥不能成此方所投必效如桴鼓之相應



垂方法

立津梁

仲師醫中之聖人也儒者不能舍至聖之書而求道醫者豈能外仲

師之書以治療

李唐後

有千金

唐孫思邈華原人隱居太白山著千金方千金翼方各三十卷宋仁

宗命高保衡林億校正後列禁經二卷今本分爲九十三卷較金匱雖有浮泛偏雜之處而用意之奇用藥之巧亦自成一

外臺繼

重醫林

唐王燾著外臺祕要四十卷分一百四門論宗巢氏方多祕傳

爲醫門之類書

後作者

漸浸淫

等而下之不足觀也已



紅紫色

鄭衛音

閒色亂正
靡音忘倦

追東垣

重脾胃

金李昉字明之號東垣老人
世宗大定二十年金亡入元

年乃終年七十二舊本亦題元人作脾胃論
惑論蘭室祕藏後人附以諸家合刻有東垣

書傳

世

溫燥行

升清氣

如補中益氣及升陽散火之法如
蒼朮白朮羌活獨活木香陳皮葛

根之類最

喜用之

雖未醇

亦足貴

人謂東垣用藥如韓信將兵多多
益善然駁雜之處不可不知惟以

脾胃為重
故亦可取

若河間

專主火

金劉完素字守真河間人專蹟俱詳金史方技傳主火之說始自

遵之經

斷自我

原病式十九條俱本內經至真要論多以火立論而不能參

旨如火之平氣曰升明火之太過曰赫曦火不及曰伏明其虛實之辨若冰炭之反也

一二方

奇而安

如六一散防風通聖散之類皆奇而不離於正也

丹溪出

罕與儔

元朱震亨字彥修號丹溪金華人其立方視諸家頗高一格

陰宜補

陽勿浮

丹溪心法以補陰為主謂陽常有餘陰常不足諸家俱辨其非以人

得天地之氣以生有生之氣即是陽氣精血皆其化生也

雜病法

四字求

謂氣血痰鬱是也一切雜病只以此四字求之氣用四君子湯血用



四物湯痰用二陳湯鬱用越鞠丸參差互用各盡其妙

若子和

主攻破

張子和戴人書中所主多大黃芒花大戟甘遂之類意在

驅邪去則正安不可畏攻而養病

病中良

勿太過

子和之法實症自不可廢然亦宜中病而即止若太過則元氣隨邪

氣而俱散挽無及矣

四大家

聲名噪

劉河間張子和李東垣朱丹溪為金元四大家張氏醫通之考核誤

必讀書

錯名號

李士材醫宗必讀四大家論以張仲景為醫中之聖為張仲景誤也仲景為醫中之聖

三子豈可與之並論



明以後

須酌量

言醫書充棟汗牛可以博覽之以廣見識非謂諸家所著皆善本也

詳而備

王肯堂

金壇王宇泰諱肯堂著症治準繩雖無所採擇亦醫林之備考也

薛氏按

說騎牆

明薛已號立齋吳縣人著薛氏醫按十六種大抵以四君子六君子

逍遙散歸脾湯六入味丸主治語多騎牆

士材說

守其常

李中梓號士材國朝人也著醫宗必讀士材三書雖曰淺率卻是

守常初學者所不廢也

景岳出

著新方

明張介賓字會卿號景岳山陰人著類經質疑錄全書所用之方不

外新方入陣其實不足以名方古聖人明造化之機探陰陽之本製出一方非可以思議及者

若僅以熟地補陰人參補陽薑附祛寒苓連除熱隨拈幾味皆可名方何必定為某方乎

石頑續

溫補鄉

張璐字路玉號石頑醫通立論多本景岳以溫補為主

國朝人著

獻可論

合二張

明甯波趙獻可號養葵著醫貫天旨重於命門與張石頑張景岳之

法相同

診脈法

瀕湖昂

明李時珍字東壁號瀕湖著本草綱目五十二卷雜收諸說反亂神

農本經之旨卷末刻脈學頗佳今醫多宗之

數子者

各一長

知其所長擇而從之

揆諸古

亦荒唐

理不本於內經法未熟乎仲景縱有偶中亦非不易矩矱

長沙室

尙徬徨

數子雖曰私淑長沙升堂有人而入室者少矣

惟韻伯

能憲章

慈谿柯琴字韻伯國朝人著傷寒論註論翼大有功於仲景而內

經之旨賴之以彰

徐尤著

本喻昌

徐彬號忠可尤怡號在涇二公金匱之注俱本喻嘉言考嘉言名昌

江西南昌人崇禎中以選舉入都卒無所就遂專務於醫著尙論篇主張太過而醫門法律頗

能闡發金匱之祕旨

大作者

推錢塘

張志聰號隱菴高世栻號士宗俱浙江錢塘人也國朝康熙間二

公同時學醫與時不合遂閉門著書以爲傳道之計所注內經本草經傷寒論金匱等書各出



北京中医药大学图书馆藏

手眼以發前人所未發為漢後第一書今醫畏其難而不敢談及

取法上

得慈航

取法乎上僅得其中切不可

回春本草綱目東醫寶鑑馮氏錦囊景岳全書薛氏醫按等書為捷徑也今之醫輩於此書並未寓目止取數十種庸陋之方冀圖倖中更不足論也

中風第二

人百病

首中風

內經云風為百病之長也昔醫云

目瞽鼻塞便難之症中腑多著四肢中經則口眼喎斜中血脈則半身不遂

驟然得

八方通

中風病驟然昏倒不省人事或痰湧掣搐偏枯等症八方者謂東西



南北東北西北
東南西南也

閉與脫

大不同

風善行而數變其所以變者亦因人之臟腑寒熱為轉移其

素有人臟腑本屬虛寒則風乘火勢火借風威而風為熱矣其人臟腑本屬虛寒則風水相遭寒水微骨而風為寒風矣熱風多見閉症宜疏通為先寒風多見脫症宜溫補為急

開邪閉

續命雄

小續命湯風症之雄師也依六經見症加減治之端主驅邪○閉者

宜開或開其表如續命湯是也或開其裏如三化湯是也或開其壅滯之痰如稀涎散滌痰湯也是也

固氣脫

參附功

脫者宜固參附湯固守脾氣芪附湯固守腎氣尤附